

UN/60.167
39
部3:2

交城縣志

卷三

建置門

沿革

里甲疆域城廂
堡寨橋梁附

公廨

倉庫監獄附

卷四

官政門

文武職官

兵制軍實

交城縣志卷三

建置門

沿革
公廨

里甲
古墓

疆域

城關

寨堡

橋梁

沿革

自秦建郡縣而漢因之交城之置縣始於隋開皇初
歷今凡千有二百餘年雖地里可稽金湯不改而其
間沿革之異同疆域之廣狹形勢之險易歷歲既久
變更不一使非援據史冊條分而縷晰之又何以爲
考鏡得失之林乎斯亦守土者之責也志建置第七
交城縣在禹貢冀州之域古金天氏臺駘所居堯始封於
此曰唐國虞分爲并州夏商省入冀周成王封弟叔虞

交城縣志

卷三

建置

一

亦曰唐其子變更號晉春秋爲晉國戰國時屬趙秦并
六國置晉陽郡尋改爲太原西漢兼置并州東漢省并
入冀分恒山西河二郡 交城本漢晉陽縣之西境北
齊于此置牧官隋開皇中析置交城縣隸并州其治東
北當汾孔二水交流之地因以名縣唐初隸河東道武
后天授二年長史王及善移置山南却波村先天元年
分置盧川縣於故交城開元二年復併入焉五代仍舊
宋太平興國四年平劉繼元以交城設大通監七年移
置唐明鎮寶元二年以大通監隸沁州嘉祐四年復屬
太原府交城縣元明因之編戶四十三里爲九坊廂三

十四都 國朝初年知縣高選併爲三屯二十五坊都

三屯曰

霽化屯 在城西南十五里

晉府屯 在城東十五里

永和屯 在城東北二十里

二十五坊都 內附城關六坊廂曰

城東南隅太平坊

城西南隅道德坊

城東北隅西隅坊

城西北隅來蘇坊

交城縣志 卷三 建置

東關東偏市崇坊

東關西偏市東廂 又近城爲平下十都曰

鄭段都 在城東二十里

陽渠都 在城東五里

義東都 在城東十里

義西都 在城東十里

覃東都 在城東北十五里

柰西都 在城東北七里

辛北都 在城東南十五里

成村都 在城西南五里

安定都 在城西南十里

洪安都 在城西南十五里又別為山鄉九都曰

西南都 在城西山四十里

米東都 在城西山六十里

水北都 在城西北山七十里

水東都 在城西北山一百二十里

中東都 在城西北山一百里

中西都 在城西山一百八十里

原瓶都 在城北山八十里

屯蘭都 在城北山一百一十里

交城縣志 建置

河北都 在城東北山一百八十里

卷三

肇庸按平下十都共大小三十三村與文水清源連

界均處平曠地面頗得水利山鄉九都共計四百餘

村每三二窰居即名村落山深路雜水少砂多地氣

過陰節令不準土民以燕麥圓山藥為出產際此旱

疫之後雖蒙蠲賑同施民心克定而坐守荒山元氣

未能猝復守斯土者于撫字催科之內亟應設法加

意噢咻使之休養生息以冀漸臻蕃庶或於繭絲保

障不無小補云爾燕麥即莠麥圓山藥俗名山藥蛋

交邑地方廣四百餘里袤二百四十里南北距一百六十

五里東西距一百九十五里

東抵清源之高白鎮一十五里

西抵永寧州境劉王嶓山頂一百八十里

南抵文水縣石侯村十里

北抵靜樂縣天城川界一百五十五里

東南至文水縣北安村界一十五里

東北至陽曲縣蘭伏村界二百里

西南至文水縣開柵鎮界二十里

西北至臨縣黑黑烟山界二百二十里

由縣治東北至府城一百二十里 京師一千三百里

交城縣志

卷三

建置

四

交邑城池自唐天授二年長史王及善始由故交徙治於

此築土城周圍五里餘九十步高一丈五尺爲門三上

建櫓堞至元末院判王浩重修明洪武三年增修景泰

元年典史邵琮重修嘉靖二十一年北兵南下都司檢

校前御史舒鵬翼督同署縣事姬宗岐增高五尺補築

坍塌者約十餘丈引禮覃世家仗義獨修城北一樓二

十六年知縣鄭鎬增厚五尺加高一丈益寘敵樓三十

四各冠以警鋪池闊與高等深強半沿堤植柳護之開

創西門爲月城爲重門上各建樓櫓三十八年知縣宋

璫撤去土障悉易以甃共千有五百城連高四丈根厚

二丈五尺頂闊丈尺不一增修樓櫓東南尤爲壯麗門
顏石額東曰據晉南曰帶汾西曰搃秦北曰枕山隆慶
四年知縣韓廷用周圍增厚各樓廢壞仍修飾之東榜
曰永康樓南榜曰人和樓北城復高其基而易之以廳
西則仍舊焉四角各冠以樓樓各十二楹女牆一道石
壘三尺鑿池深廣各三丈外復列垣爲蔽補柳周匝知
縣張文璧重修至萬曆二十一年知縣周璧又重修迨
崇正十三年知縣薛國柱周圍俱包以甃石增高丈餘
門樓角樓敵樓規制較前俱闊足爲一方保障云

國朝康熙九年知縣趙吉士重修四門城樓各懸以額東

交城縣志

卷三

建置

五

曰飲光南曰麗景西曰來爽北曰嶺翠城東南各有關
惟東關延袤二里許民居稠密明嘉靖二十年知縣鄭
鎬創築牆垣高二丈一尺根厚二丈頂闊九尺塹深一
丈廣如之隆慶四年知縣韓廷用重修增高一丈其厚
得高之強半外爲馳道爲隍深廣各與高等其堤列垣
爲蔽植柳護之四面鐵門內外甃以甃石各冠以樓櫓
設爲警鋪障口九百四十有六迨同治七年經在籍紳
士胡聯奎等公稟縣令吳誥綸督孝廉方正王鑑舉人
解希宓等創捐重修周圍內外一律完整崇墉屹立宛
若金湯惟地基低窪斥鹵懸浮東南北一帶城根近水

衝刷堪虞而立土不堅勢難經久是在地方官紳隨時
留心勤加保固以期久安磐石焉

武元城 在縣西三十五里西山口舊設木廠徵稅於此
國初西山寇發為屯兵之所今俱廢

大陵城 在縣西南平下十五里相傳為偽周武氏廢陵舊
址故文水縣書院尚有武陵之名

下馬城 在縣北一百九十里接靜樂縣界舊志為魏孝文
帝經行駐馬之處

靖安堡 在縣西一百二十里寨子村山頂築堡為靖安營
官兵屯守西山之要地

龍鬚寨 在縣西北山鄉一百二十里屯蘭川龍鬚山之巔
北有黑龍洞崖內龍王廟頗靈應

龍頭寨 在縣北山鄉一百三十里關頭村

水泉寨 在縣東北山鄉一百里故交鎮東南里許

盧頭寨 在縣西北山鄉八十里西冶村

交城縣志 卷三 建置 六

拔水寨 在縣西北山鄉一百八十里中西都

三山寨 在縣西北山鄉五十里橫嶺村

石壁寨 在縣西平川二十里永寧寺東南

三層寨 在縣西山鄉六十里西社村

夏家營 在縣東北平川十五里接徐溝縣清源界

賀家寨 在縣東南平川十五里

郭家寨 在縣東南平川十五里

連家寨 在縣南平川二十里

賈家寨 在縣東南平川十里

王家寨 在縣東平川二十里

温家寨 在縣南平川二十里

通濟橋 在縣東門外有碑記

東郭橋 在縣東關外時有冲毀經義西都民郭煥章獨任歲修有碑記可考

石橋 在縣城小東關外

沙河石橋 在縣東門外入磁窰坡卦山諸水明嘉靖年耆民陳璠等捐建

新橋 在縣東關外土名三里橋 國朝康熙四十六年知縣洪璟督庠生高爾宏建

南河橋 在縣南八里土名秃尾河

遷安橋 在縣西門外登錦屏山石壁寺必經之路有碑記

西門橋 在縣西門外

廣仁橋 在縣北關外土名草橋有碑記

交城縣志 卷三 建置 七

交河橋 在縣東北一百里故交鎮西因汾孔二水交流經行於此故名又名永固橋 國朝康熙四十七年巡檢徐師曾捐建

步月橋 在縣城內東南隅月波湖北康熙初知縣趙吉士所闢之湖東別墅與儒生講學會文郎在橋左同治二年邑武生解廷珍廩生張啟瑞等重修

繼善橋 在縣北一百二十里陰家溝村東汾水入境必由之路每歲重九陰家溝一村糾工歲修以善繼善不募隣村故有是名道光丙午靜樂庠生馬負圖為記

公廨

昔叔孫昭子所至雖一日必葺其牆屋矧公廨爲聽政之所國家體制攸關有其舉之罔敢廢也肇庸以庚辰秋奉庖斯邑顧盼堂皇幾致退食無地亟將四堂及東西寮室竭蹶修理款友迎賓始得一席迴翔之地迨披閱舊志往時趙洪吳諸君子前後增修宏敞可觀物換星移半日鞠爲茂草矣茲以災祲之餘五日京兆力難繼起因思治之有廨所以肅觀瞻示威重也上之不尊民慢將作上替下慢何以爲政惟望後之賢宰盡守土之責漸復舊規廬山真面圖繪

交城縣志

卷三

建置

八

具存幸勿以爲傳舍而漠然視之志公廨第八

縣署在城內西北隅元大德八年建鐵冶都提舉司元末革至今猶有金火廟址明洪武三年改爲縣創建者無徵景泰元年典史邵琮增修中爲堂扁曰牧愛東西分列六曹中爲戒石銘亭堂內左爲公贖庫鐵門中甃爲審縣令吳騰龍建右爲公器庫貯軍裝器具火藥縣令韓廷用建後爲至公堂東爲茶房西爲內庫前爲儀門二角門東爲輕犯監卽金火廟爲女監西爲犴獄周圍三十七丈一尺垣高一丈七尺底用大石入地六尺厚如之俱用磚壁障百有十一女牆三尺中央看監樓一

座西南兩角冠以警鋪知縣吳騰龍建承發科架閣科倚六房之南儀門之外知縣齊一經改土地祠又建迎賓館迤南舊爲申明亭改爲紀綱法度櫃房西舊爲旌善亭改爲公平正大櫃房首爲大門上冠譙樓外榜縣號歲久且敝吳騰龍重修之大門外建申明亭于東旌善亭于西皆南向外豎坊表自申明亭以下天啟年俱改造 國朝知縣趙吉士捐俸重修大門樓三間門內左側創建里長值年房三間迤北修寅賓館一所易三楹爲五楹扁曰四知堂復建鄧侯土地祠各二楹廚舍二間修二門三間東西角門二間扁曰儀門仍明知縣

吳騰龍筆儀門內修大堂三楹堂東架閣庫三間堂西鑾駕庫三間堂下修書吏房各九間丹墀東西修皂隸值班房各二間東修快手值班房一間西修民快值班房一間禁卒所一間東南修糧櫃所四間圍以木柵西南補修縣監一所至於內宅亦於康熙七年知縣趙吉士重建後一百八十年來經歷任添改現祇存二堂五間東廂二層內小房五間西廂二間三堂五間東西廂房各三間四堂五間東西廂房各二間康熙四十三年知縣張丙厚以丞署舊址於二堂東南改建南廳一院三面有房十一間現爲知縣簿書憩息之所北廳一院

東西房各小三間佐幕所居廚房六間茶灶二間在三堂之東北廳之後同治間知縣吳誥綸以西馬廩塌毀據形家言改設馬廩於大堂之東收糧所隔壁四面圍墻西建馬夫房三間草料房二間又起大仙堂於四堂之東北

肇庸按舊志趙任所建之五堂各寮室臥琴軒遙集臺別館亭院以及西馬廩馬王廟瞭望樓俞卿所修之賓館洪璟所修之東園寄閒書屋西院陔華堂聯額無存空名宛在寸椽隻瓦悉沒荒榛詢逮耆儒亦迷所向惟四堂後一角頽垣數章喬木每當春夏清蔭扶疏猶有甘棠遺意

交城縣志

卷三

建置

十

預備倉卽常平倉在縣署西北隅元真觀南四無圍垣正中豐字廩五間東北稔字廩五間西北滿字廩五間正南積字廩三間正東慶字廩七間正西餘字廩七間自康熙四十七年知縣張丙厚同治年知縣吳誥綸等先後修葺至光緒三四年間全晉災荒所儲穀蠲賑無贖倉廩二十餘間漸形坍塌七年秋署知縣夏肇庸詳准上憲領款重修現在尙未工竣

東西庫

在縣署大堂兩旁

典史署

在縣西北

地在縣儀門內西南角

教諭署

在內

學宮明倫堂西壁其建置列禮制門學宮

巡檢署

在故交鎮十字路大樓西大門內大堂三間東

西弓兵阜隸房各二間二堂三間東小房一間西客房三間東院內宅南北住房各三間東南角鄧侯廟一所正殿三間東寮房一間為攢典辦公所

靖安營千總署

在縣西一百二十里中西都寨子村

河莊汛千總

駐縣西二百一十里永甯州界河莊地方

交城營城守把總署

在縣西門外大路北其建置詳官政門兵制內

校武場

在縣城外西南隅康熙中年知縣俞卿捐修演武廳三間

草廠

在城內西北隅今廢

斥堠

五里一塹山鄉尤多分兵防汛隨時修固共塹臺二十七處

交城縣志

卷三

建置

十一

馬號

前在縣署西北同治年知縣吳誥綸信形家言移置大堂東偏隙地馬王廟仍在署西

養濟院

在縣城南關廂共西房十三間

漏澤園

在縣城南門外

古墓

延陵有墓春秋曾著其名展季遺瑩秦王特申重其禁則知古人之盛德高風與夫殊猷偉績可以被賞時垂後世者千百年之遠或有遺坵荒壟猶足令人景仰而慨慕如是也况保護陵墓列之水衡典禮攸存釐然可考交城自列國以來固屬畿內侯服環山抱水附近晉陽其為窀域地多矣無如樵牧不時棘荆迷路流傳往蹟半涉信疑爰思山陵古墓之在境內每歲終地方有司尚有保固彙申冊結故敢援照舊志補其闕畧益以新收而稍祛冗雜附於建置之

交城縣志

卷三

建置

末志古墓第九

周王交墓

在縣城西南汾水上金大定中東岸崩得古墓有鼎十餘鐘磬各數十鼎有蓋者幾三尺其中寶物猶存鐘磬之小者僅五寸大者至三尺凡十有二今器無存而墓址尚留微蹟考一統志太原志僉謂三交墓則上遺周字次易王字矣不知何所據今無考

趙襄子墓

在縣城內西北隅前無可考至宋大通監判李隨撰碑今亦無存國朝康熙五年署知縣陳方舟建三皇廟於墓左近改為玉皇廟康熙九年知縣趙吉士修墓立記今又墓蹟無存而碑識亦湮沒於後人修城之役詢據附近耆老稱為積土所埋約四十年矣

忠惠利應侯晉大夫狐神墓

在縣北六十里馬鞍山麓交於此至宋宣和五年追封侯爵邑人建廟於山祈禱雨澤香火不絕嗣於光緒三四年晉中大旱成災爵撫院曾宮保求雨普應奏請勅加靈弼二字御製歲熟民富額發知縣李正

芳敬懸按侯墓悉用碎石壘成周約十丈高出山頂夏不生草冬不積雪墓前碎石擊之作金鐵聲移之他處則無音廟前有井一眼深不可測旁有分雲壁遇霖雨則井口吐雲從四面分佈而起不隨風力亦一奇也

五代

李將軍墓

在縣西十里安定村將軍諱存孝雲中靈州人即今大同府靈邱縣本姓安名敬思晉王李克用獵飛狐口遇將軍童駿為人牧羊徒手打虎奇而招之給事帳下賜姓名以為子常從騎將屢立殊功後為存信所陷車裂死克用尋悔之詳見五代史墓之在交城者或寃死太原就近埋骨耳

張監軍墓

監軍名承業後唐人墓在縣城西南十五里洪相村北五代史有傳詳見人物志

晉高祖石敬瑭墓

相傳在縣西北六十里今為河水所沒按舊志本一統志建置

交城縣志

卷三

元

樞密參議婁秀墓

在縣東北二里

中書平章封冀國公郝天挺墓

在縣北二里

元帥覃資榮弟覃資用墓

在縣城北二里各有碑記

宏農郡公謚忠宣交城令邑人覃澄墓

在覃元帥墓側

宣慰使謝君寶墓

在縣城西北狐侯廟右有碑記

將軍謝仲溫墓

在宣慰使墓後有碑記為郝忠恕書至正十五年立

嘉議大夫兼勸農事謝歡墓

在宣慰使墓下

兵帥解義墓

在縣城西北五十里西社村虎昂山上有碑記

中書參議張德輝墓

在縣城西北二里許瓦窰河東有碑記

明

知府解一經墓 在縣城東北二里餘吏部尚書楊巍書碑尚完好

布政使司胡體乾墓 在縣西關外龍王廟右

侍御史常茂墓 在縣東五里陽渠村

給諫韓祐墓 在縣城西十里安定村

給諫解一貫墓 在縣城東北二里餘

知府李景墓 在縣城北里許

侍御史李天賦墓 在縣城北里許

國朝

侍御史李之奇墓 在縣城西北五里瓦窰村

交城縣志 卷三 建置 十四

給事中武攀龍墓 在縣北卦山之麓

參將呂成名墓 在縣城西北七里沙坡村

保定府同知常大忠墓 在縣城北八里安定都桃塔巖

總兵喬冲杓墓 在縣城北三里田家山村西南里許

安徽糧儲道武調元墓 在縣城西五里石紅溝地名韓家山

給事中胡鈞璜墓 在縣城西門外二里土名石虎地

都司張敏惠墓 在城北里許董家灣

參將宋清魁墓 在縣城東十里義望村南

四川署慶符縣知縣殉難武來雨墓 在縣城南五里西汾陽村右三官廟

之北

